

საქართველოს თავდაცვის მინისტრის

ბრძანება №512
2013 წლის 29 მაისი

ქ. თბილისი

სსიპ - გენერალ გიორგი კვინიტაძის სახელობის კადეტთა სამხედრო ლიცეუმში მოსწავლის ჩარიცხვის და კადეტის სტატუსის შეჩერების წესის დამტკიცების შესახებ

საქართველოს თავდაცვის მინისტრის 2015 წლის 30 მარტის ბრძანება №12 - ვებგვერდი, 02.04.2015წ.

„ზოგადი განათლების შესახებ“ საქართველოს კანონის 26-ე მუხლის პირველი პუნქტის „ტ⁵“ ქვეპუნქტისა და მე-4 პუნქტის საფუძველზე, ვბრძანებ:

მუხლი 1

დამტკიცდეს თანდართული „სსიპ - გენერალ გიორგი კვინიტაძის სახელობის კადეტთა სამხედრო ლიცეუმში მოსწავლის ჩარიცხვის და კადეტის სტატუსის შეჩერების წესი.

საქართველოს თავდაცვის მინისტრის 2015 წლის 30 მარტის ბრძანება №12 - ვებგვერდი, 02.04.2015წ.

მუხლი 2

ეს ბრძანება ამოქმედდეს გამოქვეყნებისთანავე.

საქართველოს თავდაცვის მინისტრის
მოვალეობის შემსრულებელი

ლევან დოლიძე

სსიპ - გენერალ გიორგი კვინიტაძის სახელობის კადეტთა სამხედრო ლიცეუმში მოსწავლის ჩარიცხვის და კადეტის სტატუსის შეჩერების წესი

საქართველოს თავდაცვის მინისტრის 2015 წლის 30 მარტის ბრძანება №12 - ვებგვერდი, 02.04.2015წ.

მუხლი 1. რეგულირების საგანი

ეს წესი განსაზღვრავს სსიპ - გენერალ გიორგი კვინიტაძის სახელობის კადეტთა სამხედრო ლიცეუმში (შემდგომში - ლიცეუმი) მოსწავლის ჩარიცხვის და კადეტის სტატუსის შეჩერების საკითხებს.

საქართველოს თავდაცვის მინისტრის 2015 წლის 30 მარტის ბრძანება №12 - ვებგვერდი, 02.04.2015წ.

მუხლი 2. ლიცეუმში მოსწავლის ჩარიცხვა

1. ლიცეუმში ჩასარიცხ მოსწავლეთა რიცხოვნობა და მიღების ვადები დგინდება საქართველოს თავდაცვის მინისტრის (შემდგომში - მინისტრი) ინდივიდუალური ადმინისტრაციულ-სამართლებრივი აქტით.

2. ლიცეუმში მიიღებიან ზოგადსაგანმანათლებლო დაწესებულების მოსწავლეები, რომლებიც მიმდინარე სასწავლო წელს დაამთავრებენ ზოგადი განათლების საბაზო საფეხურს (IX კლასი) და დააკმაყოფილებენ შესარჩევი კონკურსის პირობებს.

3. ზოგადსაგანმანათლებლო დაწესებულებიდან მოსწავლის ლიცეუმში თავისუფალი გადაადგილება სასწავლო პროცესში მონაწილეობის მისაღებად დაუშვებელია.

4. კონკურსში მონაწილეობისათვის ლიცეუმის დირექტორის (შემდგომ - დირექტორი) ადმინისტრაციული სამართლებრივი აქტით შექმნილ მოსწავლეთა შერჩევისა და მიღების კომისიაში (შემდგომ - მიმღები კომისია) წარდგენილ უნდა იქნეს შემდეგი დოკუმენტები:

ა) მშობლის /კანონიერი წარმომადგენლის განცხადება მოსწავლის მიღების შესახებ;

ბ) პირადობის დამადასტურებელი მოწმობის ასლი;

გ) დაბადების მოწმობის დედანი და ასლი;



დ) ცნობა ჯანმრთელობის შესახებ (ფორმა №100);

ე) ცნობა ზოგადსაგანმანათლებლო დაწესებულებიდან ზოგადი განათლების საბაზო საფეხურის (IX კლასი) მიმდინარე წელს დამთავრების შესახებ;

ვ) მონაცემები მოსწავლის წლიური (IX კლასი) შეფასების შესახებ და დახასიათება ზოგადსაგანმანათლებლო დაწესებულებიდან;

ზ) მოსწავლის ავტობიოგრაფია;

თ) ფერადი ფოტოსურათი 3X4-ზე, 2 (ორი) ცალი.

5. მიმღები კომისიის მიერ რეგისტრირებული მოსწავლეები (შემდგომ - კანდიდატები) გაივლიან:

ა) ზოგადი უნარების ტესტირებას (საბაზო საფეხურის დონე);

ა¹) მათემატიკის ტესტირებას (საბაზო საფეხურის დონე);

ბ) (ამოღებულია - 26.02.2020, 22);

ბ.ა) სირბილი 60 მეტრ დისტანციაზე;

ბ.ბ) ღერძზე მიზიდვა;

ბ.გ) სირბილი 2000 მეტრ დისტანციაზე.

6. სსიპ – საქართველოს თავდაცვის სამინისტროს სამხედრო ჰოსპიტალში (შემდგომ – ჰოსპიტალი) სამედიცინო შემოწმებას ექვემდებარებიან კანდიდატები, რომლებიც ზოგადი უნარების და მათემატიკის ტესტირების შედეგების მიხედვით მოხვდებიან მინისტრის მიერ დადგენილ ლიცეუმში ჩასარიცხ მოსწავლეთა რიცხობრივ კვოტაში.

7. ზოგადი უნარების და მათემატიკის ტესტირებაში ერთნაირი შედეგების მქონე კანდიდატებიდან ლიცეუმში ჩარიცხებიან მოსწავლის წლიური (IX კლასი) შეფასების მიხედვით, საუკეთესო აკადემიური შედეგების მქონე პირები.

8. ლიცეუმში ჩარიცხვას არ ექვემდებარებიან მოსწავლეები, რომლებიც ჰოსპიტალის სამედიცინო კომისიის (შემდგომ - სამედიცინო კომისია) მიერ ლიცეუმში სწავლისათვის უვარგისად იქნებიან ცნობილი.

9. სამედიცინო კომისიის მიერ ლიცეუმში სწავლისათვის უვარგისად ცნობილი მოსწავლის ჩანაცვლება ხდება მომდევნო მაღალი შედეგების მქონე მოსწავლეებით, ამ მუხლის მე-5, მე-6, მე-7 პუნქტების გათვალისწინებით.

10. ზოგადი უნარებისა და მათემატიკის ტესტირებას ლიცეუმი უზრუნველყოფს კანონმდებლობით დადგენილი სახელმწიფო შესყიდვების გზით.

11. მიმღები კომისიის მიერ ლიცეუმში ჩასარიცხ კადეტთა სია გამოქვეყნდება საქართველოს ზოგადი ადმინისტრაციული კოდექსით დადგენილი წესით.

12. მიმღები კომისიის გადაწყვეტილების გასაჩივრება შესაძლებელია ლიცეუმში დირექტორის ადმინისტრაციული-სამართლებრივი აქტით შექმნილ სააპელაციო კომისიაში.

13. სააპელაციო კომისიის შემადგენლობა და საქმიანობის წესი განისაზღვრება ლიცეუმის დირექტორის სამართლებრივი აქტით.

საქართველოს თავდაცვის მინისტრის 2016 წლის 26 აპრილის ბრძანება №32 - ვებგვერდი, 27.04.2016წ.



საქართველოს თავდაცვის მინისტრის 2017 წლის 25 დეკემბრის ბრძანება №95 - ვებგვერდი, 26.12.2017წ.

საქართველოს თავდაცვის მინისტრის 2018 წლის 1 ივნისის ბრძანება №49 - ვებგვერდი, 01.06.2018წ.

საქართველოს თავდაცვის მინისტრის 2020 წლის 26 თებერვლის ბრძანება №22 - ვებგვერდი, 28.02.2020წ.

მუხლი 3. კადეტის სტატუსის მინიჭება

1. მიმღები კომისიის მიერ ტესტირებისა და ჰოსპიტლის სამედიცინო შემოწმების საფუძველზე, შერჩეული მოსწავლეები ლიცეუმში ჩაირიცხებიან დირექტორის ადმინისტრაციული-სამართლებრივი აქტით და ენიჭებათ კადეტის სტატუსი.
2. კადეტის მშობელთან /კანონიერ წარმომადგენელთან ან კადეტთან ფორმდება ხელშეკრულება დირექტორის ადმინისტრაციული-სამართლებრივი აქტით დამტკიცებული ნიმუშის შესაბამისად.

მუხლი 4. კადეტის სტატუსის შეჩერება

1. ლიცეუმი უფლებამოსილია კადეტს სტატუსი შეუჩეროს იმ შემთხვევაში, თუ:
 - ა) ლიცეუმის მხრიდან კადეტის მშობლის/კანონიერი წარმომადგენლის/ გაფრთხილების მიუხედავად, კადეტი 5 დღის განმავლობაში არასაპატიო მიზეზით არ ცხადდება ლიცეუმში;
 - ბ) კადეტი უვარგისია ლიცეუმში სწავლისათვის (ჰოსპიტლის სამედიცინო კომისიის გადაწყვეტილება);
 - გ) კადეტი ვერ ძლევს ეროვნული სასწავლო გეგმითა და ლიცეუმის სასწავლო გეგმით გათვალისწინებულ საგანმანათლებლო პროგრამას;
 - დ) კადეტი უხეშად არღვევს ლიცეუმის შინაგანაწესს;
2. კადეტის სტატუსის შეჩერება ხდება დირექტორის ინდივიდუალური ადმინისტრაციული-სამართლებრივი აქტით.
3. კადეტის სტატუსის შეჩერების შემთხვევაში, კადეტის მშობლის/კანონიერი წარმომადგენლის წერილობითი მიმართავის საფუძველზე, კადეტის მშობელს/კანონიერ წარმომადგენელს გადაეცემა კადეტის დოკუმენტები და ენიჭება უფლება ლიცეუმიდან სხვა ზოგადსაგანმანათლებლო დაწესებულებაში თავისუფალი გადაადგილების.

საქართველოს თავდაცვის მინისტრის 2016 წლის 26 აპრილის ბრძანება №32 - ვებგვერდი, 27.04.2016წ.

